

宋慈抱原著 项士元审订

西水著述考



宋慈抱原著

项士元审订

兩浙著述考

(下)

宋慈抱題



浙江人民出版社

卷二 著述考

两浙著述考(上、下册)

两浙著述考(上、下册)

宋慈抱原著
项士元审订

责任编辑潘一平

浙江人民出版社出版
(杭州武林路125号)

浙江新华印刷厂印刷
(杭州环城北路天水电厂)

浙江省新华书店发行

开本850×1168 1/32 印张55.75 插页10 字数1,297,000 印数0,001—2,000

1985年3月第1版 1985年3月第1次印刷

统一书号: 17103·8 定价〔精〕: 12.50 元

典 制 考

职 官 类

金坡遗事三卷

〔宋〕杭州钱惟演撰。

惟演，事迹已详前。此书据《直斋书录解题》六题名。自建隆至天圣四年，凡四十七人。自开元而下，凡三百十五人。其他典故，视前记详矣。旧通考又引《郡斋读书志》，今佚。

职林二十卷

〔宋〕钱塘杨大雅撰。

大雅，亦名侃，端拱时进士，晚为知制诰。此书据《直斋书录》，有咸平二年自序及明道二年胡昉后序。增益事实七百四十五条，而以新续标之。

沿革制置敕三卷

〔宋〕余杭盛度撰。

度，事迹已详前。《杭志·名臣传》称：度奉诏同编《续通典》、《文苑英华》等书。此书今未见。

职源五十卷

〔宋〕金华王益之撰。

益之，事迹已详前。《直斋书录》云：此书亦简牍应用之书，专以今日现行官制为主，盖中兴以后，于旧制多所并省

也。胡宗繹曰：《万卷堂书目》载《历代职源》六册，不署撰人，未知是否此书。日本度会县校所藏钞本，杨惺吾自日本购归，旧藏国务院图书室，有杨惺吾亲笔跋云：《书录解题》载《职源》五十卷，以今日见行官制为主，原书每条之下，胪列历代典故，以备简牍之用。此本首题撮要，盖删其类典而存其总纲。考南宋官制，当以此书为详实云。

汉官总录十卷

〔宋〕金华王益之撰。

《直斋书录解题》谓大较亦如《职源》，今佚。

宋朝相辅年表

〔宋〕金华王益之撰。

此书见《宋史·艺文志》，今佚。

熙宁详定诸色人厨料式一卷

〔宋〕钱塘沈括撰。

括，事迹已详前。此书载雍正《浙江通志》引《宋史·艺文志》及《杭志·艺文》，今佚。

台省因话录一卷、柏台杂著一卷

〔宋〕新昌石公弼撰。

公弼，字国佐，登进士第，调卫州司法参军，累官至枢密直学士。值蔡京辅政，谪秀州团练副使。乾隆《绍兴志·乡贤》有传。此二书载《绍兴志·经籍》，未见。

麟台故事五卷

〔宋〕开化程俱撰。

俱，事迹已详前。此书《四库》著录，提要云：《玉海》载元祐中，宋匪躬作《馆阁录》。绍兴元年，程俱上《麟台故事》。淳熙四年，陈騭续为《馆阁录》。盖一代翰林故实。具是三书。今宋录已亡，陈录仅存而稍讹阙。是书则自明以来，

惟《说郭》载有数条，别无传本。今考《永乐大典》征引特多，排比其文，犹可成帙。其书多记宋初之事，典章文物，灿然可观。盖绍兴元年，初复秘书省，首以俱为少监，故俱为是书，得诸官府旧章，最为详备。如《东都事略》邢昺传载，由侍读学士迁工部侍郎，不著加中散大夫。宋绶传载召试中书，不著迁大理评事。《宋史》韩琦传载由通判淄州入直集贤院，不著为太常寺丞及太子中允。王陶传载为太子中允不著编校昭文馆书籍。孙洙传，亦不著尝为于潜令及编校秘阁书籍，而皆见于是书。又如《玉海》引谢泌传：泌上言请分四库书籍，人掌一库。事在端拱初，而其一百六十八卷又载此事于天圣五年，前后自相刺谬。据此书所载，则在咸平之初。又《续通鉴长编》载咸平二年七月甲寅幸国子监。还，幸崇文院。而此日之后，又有癸丑，则是月之内，不容先有甲寅，显然牴牾。据是书乃是七月甲辰。如此之类，凡百余条，皆足以考证异同，补缀疏略，于掌故深为有裨。原书《文献通考》作五卷，今所哀录，仍为此数，疑当时全部收之。《通考》又称凡十二篇而不详其篇目，见于《永乐大典》有官联、职掌、廩禄三门，皆与陈騏书标题相合，疑騏书即因俱旧目修之。今即以騏之篇目分隶诸条，莫不一一条贯，无所齟齬，亦可谓神明焕然，顿还旧观矣。騏录曝书会饯会及大宴学士院三条，俱云出《麟台故事》，然引其事不载其词。殆姚广孝排纂之时，刊除重复，误削前而存后，当时编辑无绪，即此可见一端，今亦无从补入。惟俱《北山集》中载有后序一篇，附录以存其旧。

词科杂录四卷

〔宋〕金华唐仲友撰。

仲友，事迹已详前。此书见苏伯衡《说斋文粹·序》。《金华经籍志》云今佚。

汉官

〔宋〕东阳徐次铎撰。

次铎，事迹已详前。此书系仿《周礼》而作，见《金华先民传》，今佚。

职官分纪五十卷

〔宋〕富阳孙逢吉撰。

逢吉，字彦同。《直斋书录解题》云：大抵本《职林》而增广，条例精密，事实详备。元祐七年秦少游序。

唐宰辅编年录

〔宋〕平阳季光弼撰。

光弼，字观国，绍兴二十七年进士，官通直郎，知绍兴府嵊县磨勘，转奉议郎，详楼钥撰季君墓志铭。此书据墓志略云：考唐之宰相，起自武德裴寂，终于天祐杨涉，作《编年录》，去取抑扬，皆有微意。苟位之非，据假以隆名，虽元勋如郭子仪亦不得预。原本今佚。

皇朝百官公卿拜罢谱

〔宋〕瑞安陈傅良撰。

傅良，事迹已详前。此书据曹叔远《止斋文集·序》，今佚。

齐台谏录二卷

〔宋〕绍兴倪思撰。

陈振孙《直斋书录》云：嘉定初更化，矫韩氏用事之弊，于是为论三篇，言为之鹰犬者，罪在台谏。已而其弊自若，则又为续论六篇，言其情形盖精详，凡为台谏之所以得所以失者，至矣尽矣，原书佚。

中兴馆阁录十卷续十卷

〔宋〕临海陈騤撰。

騃，事迹已详前。此书《四库》著录。提要云：陈氏《书录解题》谓淳熙中，騃长蓬山，与同僚录建炎以来事为此书，李焘为之序。续录者，后人因旧文增附。今考是编所载，自建炎元年至淳熙四年；续录所载，自淳熙五年至咸淳五年，皆分沿革、省舍、储藏、修纂、撰述、故实、官秩、廩禄、职掌九门。典故条格、纤悉毕备，亦一代文献之藪也。世所传本，讹缺不可读，惟《永乐大典》所载差为完具。今互相考订，补其脱漏三十一条，正其舛错一十六条，其诸人爵里与《宋史》异者，并胪注以资参考。惟前录中沿革一门，续录中廩禄一门，《永乐大典》全佚，无从补葺，今姑仍其旧焉。光绪《台志》云：此书黄丕烈藏有宋刊本，今未见。杭州丁氏有新刻本。

宋朝职略

〔宋〕开化邹补之撰。

补之，事迹已详前。此书载雍正《浙江通志》引宏治《开化志》，原本未见。

天官考十卷

〔宋〕金华王柏撰。

柏此书见《世善堂书目》及《金华经籍志》，今佚。

宋宰辅编年录二十卷

〔宋〕永嘉徐自明撰。

自明，事迹已详前。此书《四库》著录。提要云：北宋时，神宗命陈绎为《拜罢图》一卷，《枢府拜罢录》一卷。元丰间，司马光复作《百官公卿拜罢年表》十五卷。其后曾巩、谭世勋、蔡幼学、李焘，各有撰述，而不能无所省略。自明因续作此书，以宋世官制，中书、枢密为二府，俱宰辅之职。故自平章事、参知政事、枢密使、知枢密院事、同知签书枢密院事，皆著其名位，而详其除罢黜陟之由。编年系日，起建隆戊

午，迄嘉定乙亥，大都本之《通鉴长编》、《系年要录》、《丁未录》、《东都事略》，又旁求他书以附益之。本末赅具，最为详核。又据宋朝大诏，令玉堂制草，备录其锁院制词，更有裨于文献。以宋史宰辅年表互相考校，如建隆元年，赵普拜枢副，此录在八月甲申，而年表在戊子。太平兴国四年，石熙载拜签枢，此录在正月庚寅，而年表在癸巳。太平兴国八年，宋琪拜参政，此录在三月庚申，而年表在癸亥。雍熙三年，辛仲甫拜参政，此录在六月戊戌，而年表在甲辰。此类极多，亦足为读史者考异之助。至宋世所降麻制，例载某人所行之词，此录间存姓名，亦备掌故。中如熙宁四年，陈升之起复入相制，乃元绛之词，载于《宋文鉴》中。以升之力辞不拜，其事未行，并其制词不录是也。至如端拱元年，吕蒙正拜相制，为李沆之词。治平二年，文彦博除枢密使制；熙宁二年，陈升之拜相制，皆为王珪之词。元符三年，曾布拜相制，为曾肇之词，亦并见《宋文鉴》，而此反缺注，不免有漏。然二百五十年间，贤奸进退，必具是编。于以考国政而备官箴，亦可云谙典故者矣。宝祐间，自明子居谊宰永福，尝刻之县学，后渐亡佚。明嘉靖间，大兴吕拜燿始得钞本于焦竑家，阙其两卷。后周藩宗室勤菑，以所藏残本补足，复梓以传，亦仅存之本也。《温州经籍志》谓有万历戊午吕邦燿刊本，近代有黄氏敬乡楼丛书本。

历代官制说

〔元〕平阳陈刚撰。

刚，事迹已详前。此书见《千顷堂书目》九：补辽、金、元艺文志，今佚。

奎坡小录

〔元〕东阳胡助撰。

助，字履信，号古愚。由建康路儒学录用，荐改翰林国史院编修官。至顺间，再转国子编修。此书见《柳待制文集·奎坡小录跋》，称记言一职耳，而孙覿撰《麟台故事》上中下三卷，载纂述论撰之制，已不胜其详。今古愚所次小录，殆孙志也。然特备古愚之所经见，而前后沿革，犹有待而后具云云。今佚。

国子监续志十一卷

〔明〕黄岩谢铎撰。

铎，事迹已详前。《明史·艺文志》、《千顷堂书目》载邢让有《国子监志》二十二卷，铎继邢氏而作。《台州经籍志》云：今天一阁有残本。

宰辅沿革

〔明〕黄岩谢铎撰。

此书见《吾学编》、《浙江通志》、《黄岩县志》及《千顷堂书目》。《台州经籍志》云佚。

太常志

〔明〕余姚陈赞撰。

赞，字唯成，以荐为儒学训导，修宣庙实录，采两浙事迹上之，称有史才。任翰林待诏，升广东参议，迁太常少卿致仕。雍正《浙江通志·文苑》有传，此书殆官太常时作，未见。

主事考

〔明〕平阳王朝佐撰。

朝佐，事迹已详前。此书见乾隆《温州府志》，今佚。

仪注便览一卷

〔明〕海宁吴遵撰。

遵，事行无考。此书有明刊本，见江苏国学图书馆目录及

《八千卷楼书目》，今存。

馆阁漫录

〔明〕山阴朱赓撰。

赓，事迹已详前。此书载乾隆《绍兴志》，未见。

馆阁漫录

〔明〕山阴张元忬撰。

元忬，事迹已详前。此书自永乐迄正德，以年月为次，所录皆朝政之大者。见《绍兴志》引《焦氏经籍志》，未见。

直文渊阁表一卷、典铨表一卷

〔明〕海盐郑晓撰。

晓，事迹已详前。此书载《明史·艺文志》及《嘉兴志》，未见。

列卿年表

〔明〕秀水项笃寿撰。

笃寿，事迹已详前。此书载雍正《浙江通志》及《嘉兴府志》，未见。

留台杂记八卷

〔明〕黄岩符验撰。

验，事迹已详前。此书《四库》存目，云是编乃其为巡按南直隶御史时所作，专记南京御史台故事，因以上溯历朝设官命职之由，分十类：曰天文、曰院址、曰院台、曰官制、曰职守、曰俸秩、曰厅宇、曰职官表、曰宸翰、曰碑记。验自为序，述其凡例。然舆地之书，动陈星野，已属影响之谈。一官一署而首志天文，其亦迂而鲜要矣。《台州外书》谓：验为御史，累上封事，弹劾不避权贵，可谓能举其职，非独其书之应传也。

六科仕籍六卷

〔明〕崇德周昆撰。

昆，嘉靖二年进士，官给事中，雍正《浙江通志·循吏》有传。此书据通志引《千顷堂书目》，未见。

虔台志十二卷

〔明〕义乌虞守愚撰。

守愚，字惟明，由进士累官至刑部侍郎，《金华府志》有传。此书《四库》存目，提要作萧根等撰，兹从明志及《万卷堂书目》。《金华经籍志》云：明志误作虞愚，四库作萧根等撰，以根司编纂故耳。根爵里未详。嘉靖壬寅，巡抚虞守愚命根等编纂虔台始末为此书。序次草创，略备故事。此记明代职官，用南宋以前地名，于体例未安，且虔州时无御史台，于文义亦为杜撰。原书今未见。

刑部志

〔明〕永康应廷育撰。

廷育此书，载《明史·艺文志》。永康志云：巨侠滕泰犯大辟，主部者欲贯其死，廷育坚执不少贷，主部者衔之，乃俾修南京刑部志。志成，推明律十事，蒙上采择施行。

留都武学志五卷

〔明〕海宁徐伯征撰。

伯征，字孺台，万历四十七年进士，官至扬州知府。此书《四库》存目，云：明之武学建于正统壬戌，因御史彭鼎之请，选教授、训导等官专教京卫武官之子。是编乃天启三年，伯征官南京教授时所著。分建置、典礼、制令、职官、选举、人物、艺文七门。《杭志·仕绩传》称伯征曾疏劾魏忠贤不报，今不备载。

南京通政司志六卷

〔明〕嘉善朱廷益撰。

廷益，万历五年进士，官通政司参议。此书殆在官时作，载《明史·艺文志》。未见。

官制备考二卷

〔明〕嘉兴李日华撰。

日华，事迹已详前。此书《四库》存目，云：旧本题明李日华撰，因明代官制，上溯历代沿革，大抵取备书启之用，舛漏颇多，不足备考证。末附文武爵秩数条，并著京外官之称呼，尤不免舛陋，疑日华未必至此，殆坊贾托名也。

南京都察院志四十卷、光禄寺志二十卷

〔明〕嘉兴徐必达撰。

必达，事迹已详前。《光禄寺志》一书据光绪《嘉兴志》引张履祥曰：徐公必达为光禄寺丞时，大官耗匿，岁入不能支，而宫中之供日益多，赐予冗滥，公请停减。部送烦费不貲，公议裁折。奏上报可。因准絜令甲，创辑寺志，自米盐靡密包筐之细，以及庖宰休番，俱立法勾稽焉。天启中，阉势益横，求索无艺，高公攀龙据令甲裁抑。尝言中官无日不至寺嚷诉，得以顽然不动处之者，寺志之力也。二书《明史艺文志》俱列目。

监司守令宝鉴二卷

〔明〕兰溪徐学聚撰。

学聚，事迹已详前。此书据《金华经籍志》云载黄氏《千顷堂书目》。未见。

刑部狱志四十卷

〔明〕萧山来斯行撰。

斯行，事迹已详前。此书载《明史·艺文志》及乾隆《绍兴志》。未见。

宪纲规条一卷

〔明〕山阴刘宗周撰。

宗周，事迹已详前。此书据乾隆《绍兴志》引《明史艺文志》。又有《金鉴录》、《保民训要》、《乡约》，均载《绍兴志》。未见。

东嘉教职世表

〔明〕永嘉姜准撰。

准，事迹已详前。此书仅序文载周天锡《慎江文征》。书佚。

服官龟鉴录

〔明〕平阳应德成撰。

德成，事迹已详前。此书见万历《温州府志》，作《服官著鉴录》。今佚。

官爵志三卷

〔明〕嘉兴徐石麟撰。

石麟，字宝摩，天启二年进士，授工部主事。忤魏忠贤削籍。崇祯中，官至吏部尚书。南都破后，不食死，事具《明史》本传。此书《四库》存目，云是志述明代官制，历引前代沿革，互相参证，引据颇为详核。然大抵为通典、通考所已具。

南京太常寺志四十卷

〔明〕嘉善沈若霖撰。

《明史·艺文志》及雍正《浙江通志》云：此书有杜士全序，未见传本。

中书典故汇记六卷

〔清〕仁和王正功撰。

正功，字峨山，官汉阳同知。是书于中书典故，自唐以下沿革制度叙述颇详，吴庆坻为序，有吴兴刘氏嘉业堂刻本。

历代铨选志一卷

〔清〕嘉兴袁定远撰。

定远，康熙九年进士，官顺庆知府。是书《四库》存目，云定远官吏部文选司郎中时作。历叙各朝铨改选举之法，略而寡当。如叙魏晋九品官人之制，而失载汉志限年之沿革。宋分四郡余郡之岁举、梁代中正之废置、后魏之中正与吏部并铨，皆历朝铨选之制，悉略而不叙。金、元铨政，载于史志甚详，亦概略之。至谓明兴立制，入仕之途有三，进士、监生、吏员。不知明初三途并用，乃科举、荐能、吏员三途。其时应荐者或以贤良方正，或以儒士，或以秀才，或以人才，皆官至卿辅，非尽在监之监生也。

瀛洲道古录十四卷

〔清〕秀水朱彝尊撰。

彝尊，事迹已详前。此书据雍正《浙江通志》引陈廷敬墓志。《清史列传》本传则云《欧阳子五代史注》、《瀛洲道古录》皆其草创未成者，今未见。

职官志四十四卷

〔清〕嘉兴沈登撰。

登，康熙二十六年举人。此书据光绪《嘉兴府志》引《梅里诗辑》，未见。

国子监志

〔清〕钱塘王云廷撰。

云廷，号文山，雍正四年举人。乾隆元年，以徐本荐，授国子监学录。《太学志》自明司业王材修辑后，无续修者。云廷留心采访，为续志二十余万言，例分十门。今未见。

明阁臣考略一卷、明三元考略四卷

〔清〕海宁钱宏祖撰。

宏祖，号仰泉，乾隆间贡生。此书载《杭志·艺文》。《三元考略》自序有云：明二百七十七年，开八十八科。俞汝诚、顾尔宏、郭若纬、钮绍衣皆有登科录行世，但详于姓氏、里爵，而略于学术、品诣、宦业。至载梦寐祯祥，尤嫌疑妄。今特记其有关家国大事者，节录数语附之，以寓劝惩。今未见。

国朝馆选录、浙江历朝职官汇考二卷

〔清〕仁和沈廷芳撰。

廷芳，事迹已详前。此书载《杭志·艺文》。《八千卷楼书目》谓：有《浙江历朝职官考》钞本，残。

补汉官仪一卷、季汉官职封爵考二卷、浙江乡会副榜考二卷

〔清〕海宁周广业撰。

广业，事迹已详前。诸书载《杭志·艺文》及《海宁州志》。《季汉官爵考》有吴騫序文，称能存一代之遗闻，踵二京之令绪。

唐折冲府考一卷

〔清〕仁和劳经原撰。

经原，字笙士，诸生，《杭志·文苑》有传。此书有南陵徐乃昌邪斋丛书本，同里赵钺序，称其考诸唐新旧书记传，参以传记地理之书，旁及诸家文集、石刻、碑志，钩稽荟萃，垂成而殁。其子格补辑成书，援引该洽，考订精核，有功于史学。格字保艾，亦诸生，兄检，字梁甫，权，字彝卿，俱治考据学。赵钺撰《唐郎官石柱题名考》、《御史台精舍题名考》未成，格续成之，合二十九卷。

郡志职官补正八卷

〔清〕瑞安孙衣言撰。

衣言，事迹已详前。此书于郡志职官姓氏，据说部、文集诸书，考其身世，以补遗漏。稿藏于家。

唐代官制杂钞、宋代官制杂钞

〔清〕会稽李慈铭撰。

慈铭，事迹已详前。此书见平步青传文。尚有《元代重儒考》、《明谥法考》、《南渡事略》、《皇朝谥法考》、《国朝经儒经籍考》、《军兴已来忠节小传》，疑皆未成之书也。

以上为官制

昼帘绪论一卷

〔宋〕临海胡太初撰。

太初，嘉熙二年进士，官至太府卿，光绪《台志·宦业》有传。此书《四库》著录。提要云：端平乙未，其外舅陶某出宰香溪，太初因论次县令居官之道，凡十五篇以贻之。后十七年为淳祐壬子，太初出守处州。越明年，复得是稿于其戚陶云翔，遂侵诸梓以授属县。其目首曰尽己、次曰临民、曰事上、曰察察、曰御吏、曰听讼、曰治狱、曰催科、曰理财、曰差役、曰振恤、曰行刑、曰期限、曰势利，而终以远嫌。条目详尽、区画分明，盖亦州县提纲之类也。书中胪列事宜，虽多涉宋代条格，与后来职制不尽相合，大旨以洁己、清心、爱民、勤政为急务，言之似乎近，而反复推阐无不切中事情。《世说新语》载傅氏有《理县谱》，其书不传，牧民者能得是编而变通之，则此一卷亦足补其阙矣。

莅政戒铭二十四篇

〔明〕嘉兴殷近仁撰。

近仁，洪武初以孝悌授山西平遥知县，雍正《浙江通志·孝友》有传。此书载通志本传，称献于朝，擢广西参政，今殆散佚矣。